



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Brevis Et Vtilis Commentarijs In Priorem Epistolam Pauli  
ad Corinthios, & in aliquot capita secundæ**

**Melanchthon, Philipp**

**Vitebergæ, 1561**

**VD16 M 2618**

Capvt Octavvm. π[...]ι δε [...] ειδωλοθύτων οιδαμεν.

**urn:nbn:de:hbz:466:1-36296**

Luxuriant animi rebus plerunq; secundis.

Tandem igitur addit: Præterit figura huius mundi, id est, gestus mundani, uarij gradus uitæ, dominia, seruitutes, contractus.

Obserua etiam hic approbari contritus, & rerum dominia, cum approbat emptionem. De his omnibus facilè est iudicium ijs, qui norunt iusticiam, de qua concionatur Euangeliū, esse nouam & perpetuam lucem, iusticiam, & uitam in cordibus. Interea tamen in hac consuetudine ciuili utendum esse politicis ordinationibus eorum locorum, ubi uiuimus, si tamen congruant cum Lege naturæ.

## CAPVT OCTAVVM.

Ἄνθεια δέ τοι πάντα εἰδωλοθύτων οὐδὲ μηδεπι.

[Nitio mos consideretur, quem acceptum  
a patribus Ethnici, postea etiam amissa  
uera doctrina retinuerunt.

Cum in diebus Festis sacrificium fiebat, pars uictimæ incendebatur, pars erat propria sacerdotum, pars communis patrifamilias & cæteris, qui uictimas dederant. Et erant multa peculiaria certarum

E 3 fami-

I. EPISTOLA AD

familiarum sacrificia, in quibus cognati  
frequentes conueniebant, & à Sacello ui-  
ctimæ partes in suas domos afferebant, ut  
senex apud Aristophanem in Pluto uici-  
mæ partem domum affert. Aliqui etiam  
ad Sacella unā cum sacerdotibus conuiua-  
bantur. Credibile est autem, aliquos, qui  
iam abiecerant cultum Idolorum, tamen  
cognatis ad conuiua uocatos esse. Et uir  
fieri potuit, quin mariti Ethnici conuiuo  
interesset uxor pia.

In talibus casibus uidemus Paulum  
aliqua ἐπιεικεία usum esse, ac permisso, ut  
proximi interessent non sacrificijs, sed con-  
uiujs. Aliqui autem, ut fit, illam permis-  
sionem nimium laxabant, & uictimarum  
carne uescerentur malo exemplo, id est,  
inuitabant alios imbecilliores, ut ipsis quo-  
que uescerentur, quorum conscientiae po-  
stea turbabantur. Damnabant enim se,  
quasi consuetudinem impiam confirma-  
rent. Quandocunq; autem conscientia se  
se damnat, iudicat se contra Deum facere.  
Quare Fides excutitur, & impeditur inno-  
catio.

Nunc igitur Paulus illam permissio-  
nenem astringit, & hic tantum de Scandalo  
concionatur, postea rursus in genere astrin-  
git,

cognati  
covo ui-  
bant, ut  
o uici  
ui etiam  
onuuiua-  
uos, qui  
tamen  
. Et uir  
onuuiuo

git, quia quoquo modo excusetur, tamen  
aliquid in exemplo mali est. Nam consue-  
tudo colentium Idola confirmatur.

Sed hic nominatim sit mentio huius  
scandalī, quod eruditī mouebant imbe-  
cilliores, ut uescerentur, Et horum postea  
sauciebantur conscientiæ, ut uarij casus no-  
stro tempore acciderunt, ubi imitatione  
libertatis etiam in recte factis imbecilles  
conscientiæ ualde turbatae sunt.

Obiurgat igitur Paulus doctos sibi pla-  
centes, & audaces in rebus non necessa-  
rijs, ut sunt multi propter ostentationem  
suæ eruditionis, & sapientiæ. Et regulam  
Rom: 14. traditam, hic repetit: Docet ne-  
cessaria facienda esse: In non necessarijs ue-  
ro, quæ tantum licita sunt, eam modera-  
tionem seruandam esse, ne exempla no-  
stra lœdant aliorum conscientias, aut la-  
befactent communem concordiam, sicut  
regula Iurisconsultorum recte docet:  
Quod tibi non nocet, & alteri pro-  
dest, id præstandum est. Iustum est  
igitur astringere libertatem propter alio-  
rum salutem, ut in itinere faciendo robu-  
stus minus properat propter imbecilles  
comites.

E 4 Hæc

I. EPISTOLA AD

Hæc regula, quæ monet seruandum  
esse discrimen inter necessaria & non ne-  
cessaria, magnum usum habet in uniuersa  
uita, & cohercit multa uicia, πολυπογονού-  
μοσύνη, arrogantiam, & alia.

Hæc est summa capitinis, quam recer-  
sui. Cæterum dicta multa inserta sunt, quæ  
doctrinam eximiam continent: Scientia  
inflat, Dilectio ædificat. Hoc dictum  
monet, Cognitionem non esse uirtutem,  
nec opus placens Deo, sine obedientia uo-  
luntatis, ut etiam Philosophia docet, Co-  
gnitionem non esse uirtutem. Sed necesse  
est accedere uoluntatis conuersationem ad  
Deum, qua uoluntas Deo subiicitur, &  
habet προσάρτησις, seu ut loquuntur usitatè  
bonum propositum recte faciendi, iuxta  
illud: Diligas Dominum Deum tu-  
um ex toto corde tuo.

Exstat hic etiam testimonium de ue-  
ro Deo, patefacto in missione filij, crucifi-  
xi, & resuscitati, discernendo ab omnibus  
alijs numinibus, quæ extra hunc Deum  
cogitantur aut coluntur. Nā huius testimo-  
nij sententia exclusiva est, præter hunc pate-  
factum Deum nihil aliud esse numen eter-  
num. Deducit igitur nos in agnitione Dei

ad hunc

ad hunc unum, qui se patefecit datis promissionibus, editis miraculis, & missō filio. In hunc uult nos intueri inuocantes, & uult nos separare inuocationem nostram ab Ethnica, & alijs, Ideo sic locutus est: Vnus est Deus, Pater, ex quo sunt omnia, & unus Dominus Iesus Christus, quasi dicat, uolo excludi a diuinitate, gentium commentitios Deos, & affirmo unum esse Deum, Quem uero? & ubi agnoscendum? Hunc inquam, qui est pater Domini nostri Iesu Christi, & qui se patefecit missō filio. Cogitans igitur Deum, intuere hunc patrem & filium. Tribuit enim & filio diuinitatem, cum inquit: Per quem sunt omnia. Nec excludit Spiritum sanctum, sed ut dixi, exclusua opponitur omnibus commentitios numinibus, sicut plerunque in Prophetis dicitur: ut Esaiæ 44. Præter me non est Deus, dicit Iehoua rex Israel, id est, præter me patefactum in Israel.

## CAPVT NONVM.

Prima pars & longior consumitur in  
hoc præcepto: Docentibus Euangelium